

湖北府縣志輯

卷一百一十五

同治石首縣志
道光鶴峰州志
同治續修鶴峰州志
光緒續修鶴峰州志

中國地方志集成

湖北府縣志輯 ④5

同治石首縣志

道光鶴峰州志

同治續修鶴峰州志

光緒續修鶴峰州志

江蘇古籍出版社 ● 上海書店 ● 巴蜀書社

重修石首縣志序

石首之有邑志自

國初以來凡四輯矣先是順治中知縣事王大年以築垸堤費鉅稽邑乘得安華協濟知舊志不可泯乃叅

石首縣志

卷之一序

訂採述成丙申志今已佚不傳迨康熙壬子奉

勅纂一統志知縣事衛允嘉乃因

王志成書四卷為壬子志今其書僅有存者乾隆元年知縣事張坦嫌舊志未

備乃多加採訪成丙辰志已炳然而可觀矣乾隆六十年知縣事王維屏以制府修兩湖通志乃繼丙辰後事增而纂之為乙卯志今其書殆家藏一集石

石首縣志

卷之一序

邑文獻雖自漢迄明蕩然無存而於我

朝百五十二年之中凡四修輯不可謂不勤矣顧自嘉慶以後至於今七十有一年其官斯土生斯土者苟

有可傳缺而弗紀久恐佚
會同治三年方伯議修
湖北通志檄下縣前令徐
君已粗舉其緒旋調玉沙
適余承乏邑人士之好學
能文章者咸欣喜是役爰
惇惇啓局而謬屬總纂予
才乏三長兼吏事冗辭不
獲因謂諸君曰事莫難於
創而易於因前三志其稽
古詳矣其條例美矣備矣
惟是山川土田之有變改

人物事蹟之有增加必簡
要而詳明之以為可傳以
為可繼諸君曰唯始事於
季春定藁於仲秋復集邑
四鄉耆彥校閱而論定之
僉曰善乃付梓仲冬之月
將藏事而屬弁言其首予
何言顧惟以不學之身蒞
多文之邑遭遇
盛時叅預美舉亦惟藉諸公
之力相與有成以無獲罪
於先正貽誥於後來若乃

楊文定之相業王義門之
家風曾太史熊江都之文
章政事則尤素所欽慕而
願與邑人士共勉之者耳
同治五年歲在丙寅仲冬
月南至日知石首縣事涇

石首縣志

卷之一 序

五

上朱榮實謹序



事有如賒而實急者
及時為之與後時為
之雖無不各觀厥成
而其難易遲速則不
可同年而語石邑自

石首縣志

卷之一 序

一

國初至乾隆乙卯志凡
四修余於諸生家見
之未嘗不歎
國家功德茂存涵濡之
深而又以見都人士

之敬恭桑梓代不乏
人爲可嘉也顧自乙
卯至今垂七十稔紀
載闕如使不重加補
輯至於代遠年湮後

之人欲考文徵獻穆
然徒見山高而水清
官斯土者何所依據
而因宜以成治生是
邦者何所則倣而樂

居以從化四方來者
何所觀覽而曉然得
其政俗之所安版圖
列而著錄虛風教同
而典章墜石邑素號

名區諒不出此然使
無賢邑宰為之董率
無衆志相與贊襄雖
明知志之宜修而上
則曰非吾責下則曰

盍姑待盈庭聚訟築
室道謀修之未必成
卽有成而遲之又久
如左思之賦三都豈
能翹足待歟幸江左
朱公秋園來宰是邑
甫下車卽以修復典
禮振興文教為急務
適諸大吏催修邑
乘檄至因進邑中薦

紳先生耆老俊髦謀
之皆踴躍於是尅期
開館卷區為八方輿
居一營建居一民政
秩官選舉人物藝文
雜志各居一舊貫仍
之後進增之條分而
縷析網舉而目張選
梓徵工歲未一周而
告成當初倡議時或

有疑其難者謂邑自
庚寅辛卯後迭遭陽
侯虐十室九空則斂
輸難世久事叢傳信
者半傳疑者半則考
覈難孝義節烈循名
懼濫責實慮刻則去
取難公是公非雖有
定論亦有浮言則任
事難乃自朱公與都

人士定議後各厘識
大識小之懷為斯愛
斯傳之舉於數十年
來
朝廷德澤之所加賢邑
侯治行之所畱鄉先
生勲業文章之所播
匹夫匹婦幽光苦節
之所耀與夫江山景
物靈蹤韻事無不瞭

如指掌朗若列眉向
之疑其難者至此乃
爽然失焉豈非及時
為之較諸後時為者
之用力易而成功速
歟而朱公董率之功
與諸君子贊襄之力
當與志乘並傳不朽
矣余幸逢茲盛舉得
以附名簡端聊抒管

見質之都人士當不
以鄙言為河漢也夫
是為序

同治五年歲在丙寅
冬至前三日教諭陸
登林彝臣氏撰



舊志序

順治丙申

知縣王大年

蓋天壤間功名堪垂不朽者其惟立業與著書乎人苟曰立業矣無益乎蒼生社稷則其業必不光被可以弗立苟曰著書矣無切於政紀典故則其書必不尊信可以弗著惟夫業一成而億兆受其福書一成而上下章其程始信業有不可不立而書有不可不著者耳余樂羅幢堦潰堤兩載告成艱辛萬狀而邑之水患既藉永除所謂不可不立之業已立之矣惟是其成乃堤者安華二邑協濟之功有難泯而所以來安華之協濟者古志之力更有不可泯者蓋援志例以邀鄰封之協濟因協濟以成厥堤之偉績

石首縣志

卷之一

同治丙寅年 舊志序

一

也至若屬堤內者蒼蒼蒸民也廬墓可以無漂沒之虞焉盈盈南畝也耕桑可以致飲食之樂焉則志之爲堤羽翼爲何如可獨令堤成而志則委之湮沒也哉余之拾斷簡殘篇刊刻著明烏容已也乙未孟冬爰偕二三賢紳宿彥參訂舊文採述輿論以付之梓越丙申暮春報竣余更謬爲一言以弁諸篇首焉

舊志序

康熙壬子

知縣衛允嘉

志者古紀事之書大者國志小者邑乘總以光先代盛治垂不朽也石首明志燔於亂

國初三韓王公清海憫邑乘之中斷而文獻不足始表年首事誌大略而已余承乏茲土愍焉傷之每於月之既望率邑諸君子演說六訓律令竟卽及戶口多寡土田荒易賦役重輕風俗醺澆咨諷移日蓋深有意乎其志也幸際朝廷文明勅天下纂修大一統志煌煌鉅典哉其在有明石邑三賢相外玉署黃門烏臺柏府牧伯郡將而下纍纍若若繼自今邦之賢者皆其苗裔也豈非楚材一大都會與

石首縣志

卷之一

同治丙寅年 舊志序

二

因與邑之王倅闇子氏延禮其尤者或多識畜德於祖父得諸所見於高曾得諸所聞有世受之青箱在或樂觀世務士女之好尙窮鄉之謳謠有槩鉛之野錄在有長於審利弊而物物謹始以存韋弦者有嚴於定是非而言言端本以垂規矩者莫不與之引繩批根攷證同異下逮曲士細氓亦趣之各獻一得以補博徵之偶漏期以成一代傳信之書勿之有缺焉耳編輯三閱月廼壽以梓維時闇子洎諸君子颺言曰茲之役固孤白也裘之則大令大令可無一言弁之乎顧余何言言吾尹茲邑之所自始與吾尹茲邑之未能有成而期其有成者可乎余以清白吏之裔

讀父書有年恭遇

世祖章皇帝御極隨計更獻策

帝廷歲己亥邀

俞旨通籍除爲石首宰石邑荆屬也治在大江之陽入其疆荏
草盈野墟里炊烟雉堞樓櫓比於草樹一公屏得兩楹之
半周落毀淖水牛羊豕無禁余拊心悵惋一行作吏即遭
此殘荒何等邑也迺前父老問疾苦一語未能了輒淚泫
漉下一則曰如望慈父母也再則曰如望歲焉念生平讀
聖賢書所學何事別

簡命赫赫忍不爲一方赤子救匍匐之人耶人臣盡瘁不擇地

石首縣志

卷之一

同治丙寅年 舊志序

三

而距之有民人有社稷安在不可爲乎迄於今屬耳目者
差非七年二月以前狀卽不敢告無罪於百姓而予手拮
据予口卒瘁山川鬼神或亦鑒勞臣於風雨晦明中也則
今日之志亦以忠愛之情見乎辭焉爲之志其大者足以

麟敬

皇猷志其小者足以鼓吹休明登諸

明堂而列之左个石个鳥在不與天球河圖共勳

聖治於無窮乎然勤於始者或倦於終狃於安者漸忘其危願
諸君子毋忘襁負歸來雖也無卓余坐堂皇敢忘數椽不
蔽風雨時乎惟期諸君子之相助爲理以有成也意深望

切不禁言之塵塵云

石首縣志

卷之一

同治丙寅年 舊志序

四

舊志跋 康熙壬子

縣丞王 章

今天下大一統矣

詔天下志大一統石首久不志國人聞 詔咸願志焉邑之薦紳先生出素所懷來揚摧古今執簡而從事若董狐然諸生珥銀管者綴集嘉言懿行班班罄竹帛問下至閭巷父老莫不拊拾碎金於殘簾廢帙斷碑解碣中爭累牘上之不揣下吏章以不棄鄙拙亦搜剔腎腸濫竽編末屬 龍門衛夫子踞公孫國大夫之座考蹟依類發凡起例取通達

國體者書之取民隱疾苦之足以動

石首縣志

卷之一

同治丙寅年 舊志序

五

宸慮者書之取鴻章遠猷維風教翼人倫者書之非是者繁蕪絀繆弗書荒略舛複弗書怪誕無稽弗書潛移愛憎弗書務期簡要續通公而不阿華而不傷綺者抑以一日之邑乘昭代之千秋信史始基之也敢不憤乎周禮小史掌邦國之志外史掌四方之志一時列辟亦各有國史所藉以對揚休命是固靖共一端焉爾愚竊有感焉明初三楊於今爲烈石得一焉荆南爲首輔者四人石得三焉最爾小邑相業先後輝耀不可謂非調元鄉之多秉鈞里也物華天寶代興蔚麗矣自璇孳蕩廢幾於靡有孑遺揆盛衰者等諸火中昏旦有不誅耳然乾坤有一番大屯剝定有一

番大開闢幸際

聖朝廓清安集拊瘡痍而噢咻之元元之生意漸復復之不已必受之以泰或曰

朝廷之仁不崇朝而徧薄海況

石首縣志

卷之一

同治丙寅年 舊志序

六

成值沿革之餘念里甲之登耗權賦役之輕重占星知省遇災知懼謹祀典勤養澤提塹橋梁之以時修備也倉廩郵傳之罔敢弛墜也道路坦而都市不擾祥風至而物產屢豐適與鄉之壽耆暨邑之子弟申讀約法穀我士女以經美風俗聞訪隱逸僑寓之倫與之參正心誠意之旨以經學潤色史治卽方外二氏幕下掾史亦得與聞忠孝節義事行將官名於楚賢隆於鄉豈非司民牧者之三不朽歟信矣石邑之不可無志而國人咸願志之也今從諸君子後分屬草之一得邀當事者折衷鑒裁之勒成一代文獻之書爲他日拜獻先賢也石首有厚幸矣

舊志序

康熙壬子

教諭曾省直

從郡南一望至邑越二百里許逾屏陵俯玉沙鄰沱潛安
華諸邑澎湃浩蕩並爲澤國邑介乎其間曠衍中突出有
山山中多石周圍八九峯峙龍蓋馬鞍繡林楚望珠聯壁
合綿亘乎東北層聳乎西南又況山與水遭岷源經項背
而東注洞庭漾襟帶而前流邑雖彈丸而川嶽之秀全焉
更斯土者號稱易治士愿農醴財賦輸之
天府家茲戶誦人傑出自地靈考先時三世臺輔六卿懋績
甲第先翰苑之聲徽垣並柏臺之選藩臬殿邦郡巨循良
指不勝屈矣其在

石首縣志

卷之一

同治丙寅年 舊志序

七

聖朝應運雲從青科甲蟬聯又豈不足光大前業也哉今者踵
事增華成一代風俗良書善乎全志之載備矣奚俟庸詞
然是役也振舉董成則 紫封衛老先生宗主之西山王
老先生手裁之據實昭宜則諸薦紳名士敷揚之直也才
乏三長幸廟寒暑謬綴數言紀山川之勝庸志鼓吹盛典
云爾

舊志序

康熙壬子

邑人傅丕長

邑之於天下稊米也石雖蕞陋亦太倉合會之所積也曷
可無志石皆乘災於兵火
國朝王清海邑侯始搜散佚成帙其時荒略無稽闕焉未詳龍
門衛侯來宰吾邑五載修城池奠閭井新學宮立鄉社百
廢俱興政成之暇方欲纂修舊志會
大中丞徐奉

綸音

機修全省郡邑志爰與邑紳士集議大典侯謙讓未遑將

石首縣志

卷之一

同治丙寅年 舊志序

八

兩夫子燕許大筆探觚總理乃蒐訪遺編諏咨故老考家
乘野史之傳徵邁軸名山之秘沈碑斷碣滌垢刮苔泐篆
蟬文校魚籀系兼與邑洽聞之士正訛增軼推表山川考
證往昔撫懷舊之深思發弔古之幽情言協於僉同事期
於徵信無偏心踵謬之誤無肆手影撰之失豈前正精而
核雖一邑之裨乘實百代之信史也以九月中旬開局於
玉田精藍竣事於暢月之望雖分曹標目博採羣言而斧
蔓成秀皆出 兩夫子之手志成將以上之
天府昭盛世同文之治且垂示來禩千秋大業固自今日始
也甓余山栖類放乏胥臣之多聞慚公孫之博物而濫竽

授簡亦得網羅放失抒末議以資一得又竊幸流壤之克附於高深云

石首縣志

卷之一

同治丙寅年 舊志序

九

舊志序

康熙壬子

邑人熊開楚

歲壬子冬十月有纂修通志之役 邑大令龍門衛公典厥事以咨東海王公乃掖多士於庭分曹列署迭稽旁採謀議僉同獻於公就裁焉將竣命楚曰子邑人盍爲之序顧楚庸鄙小儒未嫻於政典懼言之闕略罔以裨

國書雖然有說焉石介在南服負長江帶洞庭東臨天岳西連鼎澧其昇平則文教之興也其喪亂則四戰之衝也當勝國之末造寇集於垣師環其疆父老子弟轉徙僑道殫相望越戊申長吏縮劍符而至披草萊闢榛蕪拮据卒瘞歷有年所井宅乃奠弦誦載興蓋幾飲冰茹蘗以有是

石首縣志

卷之一

同治丙寅年 舊志序

十

生齒保聚也厥惟艱哉楚於茲抑重有感矣自有天下以來民氣與天道恒相終始凡天道十年一小變變則通通則久理固然爾今

國家休養生息垂三紀考之天道以驗諸人事其變而通通而久之會乎於斯時也將以觀民氣之復焉然則石之有志亦志其所由創而之復者其毋忘前之所以締造艱難職思其憂可也其毋忘後之所以和恒茂理職思其樂無不可也石之民尙永有幹年哉若山川土田之籍農桑畜息之經禮樂風教之源政事民物之紀條分縷析可按冊而稽者藐茲下邑其尙邀惠於

皇鑒之式臨未可知也已

石首縣志

卷之一

同治丙寅年 舊志序

士

舊志序

康熙壬子

邑人徐州岱

石之志其在勝國遺籍燬於寇烽者盡矣

國初邑令清海 王公始志之時際殘荒之餘父老子弟無能備咨諏而考故實藁創就帙討論未備其意蓋有待與龍門 衛夫子來守茲土越五年百廢漸興每於琴鶴之暇輒念石志謂

今天下幅員無外遠踰唐明唐志十道明志一統屬詞比例鉅細畢該悉以禹貢爲斷石雖彈丸獨非神禹當日畫疆分域所版而圖之荆山之北衡山之陽也者何惜一楮一壘不令此百里內人保地靈土俗物宜闡幽發彩於銅

石首縣志

卷之一

同治丙寅年 舊志序

三

駭荆棘之後哉值是歲

詔修郡縣通志上檄方下乃不禁撫掌曰石邑千百年文獻意在斯乎意在斯乎余何敢多讓焉謀於萊陽 王夫子暨邑之博物諸君子僉有同心爰卜吉纂輯勤搜博採識合大小裁兼衆獨蓋三閱月而後竣用付剞劂焉他日輶軒下問將勒成書以應則勿云石志非石史也雖與唐之十道明之一統爭光藝林以昭

本朝幅員無外之盛也可加考荆郡全志舊成吾邑楊文定公之手迨其再修也吾邑會退如太史與焉詳於郡而略於邑非兩先生意也茲當邑志殘缺會逢衛夫子王夫子

魏科儒宗同窗簪筆勒爲

國書安知非楊曾兩先生之作其先將以竟其生平未了之盛業而岱也不敏亦得與於槩鉛之末云

石首縣志

卷之一

同治丙寅年 舊志序

三

王子志補刊序

石首縣志前已無存自

國朝清海王公草創成書而龍門衛公始奉上文特爲修輯凡山川風俗人物土田莫不備載編爲四卷迄今十有餘年矣當吳逆變亂兵燹之餘此板之殘失者十居三四余自甲子冬始蒞茲土催科撫字力有未周日思補刊其闕而鞅掌塵勞因循未果今案牘稍清民人較昔漸已樂業於是亟捐薄俸命梓人識之凡二月而始竣披覽之餘依然成帙並記其始末俾後之君子得以知所考云

石首縣志

卷之一

同治丙寅年 舊志序

齒

知縣張 琳

舊志序

乾隆丙辰

知府鄧士燦

粵稽郡邑之志與國史相表裏史以垂法戒彰善惡志以考古今鏡得失其義均也顧文獻無徵雖孔子不能定夏殷之禮抱殘守闕而欲以信今傳後其道無由甚矣志之不可以已也而作志者郡與邑又不同郡志從簡邑志貴詳則邑志更不可不加之意也雍正七年己酉春余承

簡命

爲石邑宰入其境覽山川之明秀泄其土悉民俗之醇良

採其風知人文之炳蔚心竊喜之謂是荆之良邑也暇日考之邑乘每多缺畧始知石邑舊志已燬於兵賴清海王公龍門衛公後先搜輯得以僅存然而不詳不備後之覽

石首縣志

卷之一

同治丙寅年 舊志序

五

者將何以考古今鏡得失乎余毅然起而欲修之雖胸無二酉才乏三長冀延邑之積學能文者訂成一書會因簿書鞅掌差委驅馳碌碌未有暇日修志之舉有志未逮辛亥秋牧穉歸癸丑秋守永陽未幾調守荆南五年之間奔走不遑而每懷舊治如念故鄉嘗重歷其地童叟攀轅士民遮道觀其愛戴之殷益知風俗之厚尤令余極不忘也古坪張君爲滇南名進士辛亥秋來宰斯邑已歷五載人和政暇百廢具興乙卯夏爰集紳士纂修邑志告成將付梨棗索序於余余披覽之而有感焉天下不朽之業莫大於經史馬賁考九州之則壤史記列人物之權衡志亦猶

是也讀是志者豈惟一方之山川風土物產人文歷歷在

目將所以考古今鏡得失卽所以垂法戒彰善惡者於是乎在其繼王衛二公而並傳詎不大有功於石邑哉惜也余欲修之而未果今張君已能修之猶幸余在荆得觀其成而廁名簡編則斯志之修卽謂余自修之亦可也於是喜而爲之序

石首縣志

卷之一

同治丙寅年 舊志序

六